

Saca for di su diario

Dia 1 di Oktober 2003, Judella tabatin e honor di ricibi su "bul" di Doctorandus den Bedrijfs-economie, den presencia di su mayor y otro miembronan di famia- y amigonan.

Dos luna despues el a regresa su dushi isla natal pa ta cerca su famia y tambe pa cuminsa cu su carera profesional na Aruba.

Na Januari 2004 el a cuminsa traha na Centrale Bank van Aruba. Su coleganan a experencia Judella como un persona yen di energia, critico, dinamico, cu hopi interes pa su trabou, cu aspiracion pa sigui progresa.

Lamentablemente Judella no por a cumpli cu su soño. Dia 30 di April 2004 Judella a bira victima inocente di violencia sin sentido entre e gangnan di hoben. A consecuencia di e disparo ricibi e dia ei Judella a fayece dia 19 di Juni 2004 na edad di apenas 33 aña.

ARUBIANA / CARIBIANA

Pa referencia.
NO POR FIA.

For reference.
NOT TO BE TAKEN
FROM THIS ROOM.

"Zoek de rust in jezelf.....en als het tegen zit, denk aan de goede momenten, en hou voor ogen dat het tij zal keren. Denk altijd positief, toon interesse voor je medemens, en probeer altijd iets goeds in te ontdekken.

Geniet met volle teugen van de gelukkige momenten des levens. Treur en wees verdrietig als je daaraan behoefte hebt, en overtuig jezelf dat, dat gevoel, ooit zal verdwijnen, en dat geluk ook aan jouw kant zal staan..."

WEES DAN BLIJ



Judella Geerman

Fundacion Judella Geerman



Fundacion Judella Geerman (FJG) a keda funda dia 15 di januari 2006. Esaki ta alabes fecha natal di Judella.

Meta

Sostene y stimula principalmente e hoben di menos recurso cu ta bai scol, den su desaroyo intelectual, artistico y deportivo, pa di e manera aki e por aporta grandemente na nos comunidad.

Kico FJG por financia?

- * Material pa: scol/deporte/formacion artistico;
- * Contribucion financiero: scol/deporte/formacion artistico.

Naturalmente FJG lo monitor e progreso di e hoben.

Kico ta e criteria pa haya ayudo di FJG?

Pa e aña escolar 2006/2007 FJG a scohe pa pone enfasis riba e desaroyo intelectual di e hoben.

- * E hoben mester ta finalizando scol basico y ta bay cuminsa Cyclo Basico di Colegio Arubano;
- * Mayornan di e hoben mester tin con huntamente un salario anual bruto te cu Afl 25000;
- * E hoben mester por a demostra un actitud positivo durante e aña escolar.

Con un hoben ta bini na remarke pa FJG ?

- * Cada cabesante di scol basico ta propone un alumno di su scol na e fundacion;
- * FJG ta selecta tres nomber for di tur e nombenan entrega;
- * E hoben mester por cumpli cu rekisitonan di FJG.

Kico e hoben mester por cumpli cu ne durante e aña escolar cu e ta wordo patrocina pa e fundacion?

- * E hoben mester tin un conducta positivo;
- * E hoben mester demostra perseverancia;
- * E hoben mester presta bon na scol.

Kico ta pasa si e hoben no ta cumpli cu e acuerdo cu FJG?

E fundacion lo papia promer cu e hoben y lo trata di guia e hoben. Si esaki no duna resultado positivo lo stop e financiamiento.



Judella Geerman (Biografia di un luchador)

Judella a nace 15 di Januari 1971. E ta e yiu di mas chikito di Felix y Fabiana Geerman, un famia humilde di ocho yiu. Di chikito Judella tabata un mucha spontaneo, cariñoso, positivo, alegre, yen di energia y determinacion. Fuera di e cariño di su mayor- y rumannan e tabata gosa tambe di e cariño di su demas famia, amigo- y amiganan.

Su amiganan ta caracteriza Judella cu e frasenan “imposibel pa no stim’e ” y “what you see is what you get”.

Na scol basico Colegio San Hose, Judella tabata un bon estudiante, unda entre otro el a destaca den deporte pa cual el a ricibi un medaya di oro como deportista femenino di aña.

Judella tabata un hoben cu talento musical y tabata toca cuarta y guitarra.

Despues di a termina Colegio Arubano na 1990 el a bai Eindhoven, Hulanda pa studia na MEAO. Ora cu el a finalisa su MEAO Judella a sigui cu e estudio di HTS-Bedrijfskader y a termina esaki exitosamente. Como hoben determina y cu hopi perseverancia el a sigui studia Bedrijfseconomie na Katholieke Universiteit di Nijmegen.

Durante e ultimo añanan di su estudio, Judella mes a cubri tur gasto.

Mayor y famia por a sostene Judella pero como persona independiente Judella a dicidi pa e mes financia e añanan aki. Esaki el a haci dor di traha den diferente funcion na entre otro supermercado, clinica estetica, oficina di impuesto, Phillips, compania di seguro y tambe na diferente scol.